

東洲草堂詩鈔

東洲艸堂詩鈔卷九

道州 何紹基 子貞

李少峯同年授經圖

甲辰

球芝巷前春夜雨釀出紫藤花萬乳少峯當時靜下帷我與會
交來僂僂吟聲縱後龍鸞翔酒椀酣餘蜂蜨聚別來鷓蟀五六
改人事蒼茫不堪數君直

內廷持使節文譽隆隆天尺五我悲風木守荒山旋睹惡氛滯
江浦竭來握手一笑歎史館巢痕同息羽琢磨道德敦舊盟商
摧傳志光冊府與君家世有同揆已幸承明偕接武貴從忠孝
植本根未恃文章榮瓊組春晨示我授經圖見時青鐙化爲古
令我淒然泣遺硯今日與君同失怙睽閱時事多隱憂想望前
人盛高矩青天白日如空山一夜詩心增愴楚

題秋燈課讀圖爲少峯作

入直

三天禁漏清嶽雲海日照持衡迴思茅屋機聲裏一穗秋燈比月明

汪寫園叢桂堂圖

古桂花濃竹影清
遐思來聽讀書聲
十年作郡無餘俸
八子傳經有令詩
老風流繼韓白
儒林家世數
韋平刪除俗學非
它法澹泊能令此志明

用先生自記語意

孟兩山博士舍飴觀德圖

兩山別來幾冬夏
駒隙堂堂殊可怕
每逢印老

許印林

與竹兄

李竹

朋傳語近事
眞慰藉三遷
學舍如黨庠
八能樂器儲
宣榭敦睦

祖舊薄名利
定省慈闈謹
晨夜遙遙千載亞
聖心昭章仁義區

王霸欲閑聖道王制詳務正人心邪慝化如君不負遺澤梓作
事能令末俗詫人牧與芻終可得孺子入井見猶乍願持此理
貫百年勉赴修途勤十駕卽今披圖有澁思瀟灑舍飭復觀射
兔嶧秀色照仁里梧竹清風生子舍何時肅佩謁廟庭相與尋
碑更觀稼

五月初一日奉

命充貴州副考官紀

恩恭賦

花甌接武忝家聲作賦優沾

賜錦榮

己亥癸卯
俱被文綺之

廷試

八掌文衡先績炳重銜使命小臣驚

瀾迴紫海氛初靜雨落黃河氣未平

宵旰憂勞方仄席邊山勤去采邦楨

十九日到 史館作 昔直

武英殿職僅校書服闋後直

國史館兼辦傳志每三六九館期風雨無聞茲將暫離史

局不無戀戀謹賦一首

東華雲日首重迴雨雨風風傑直來字樣早窺

天祿祕篇家真愧史官才形容將相欽

神柄

近撰松文清文文恭陳忠愍諸傳

鈞考江河貴別裁

承修河渠志

屈指巢痕重

認取南枝香動

御園梅

出都四首

母年將八旬兒行七千里不辭遠行邁戀戀惟甘旨惟先司農
公名德陟顯仕隆隆四十年時望中外倚家風轉澹泊清氣在

桃李門內皆布衣門前少華軌小子繼史職亦將十年矣載承持節榮未覺乘輅喜因循逾二旬官牒促鞭弭北堂一跪拜簾淚不止吾母爲破顏扶杖強立起

憶昔歲己亥奉使閩海邊持衡兩世繼佳話槐廳傳臨行領嚴訓教慰語相牽父子相持哭不省所以然仲弟送郊外午熱日赤圓啖瓜相與別瓜剖心憫憐是秋司農公京兆職書賢竝典中外試三見二百年季子雋南國風催孝廉船家書南北馳喜懼相包纏皆緣貴盛集冀以惕厲全誰期歲暮歸仲子赴九泉悽惶度新歲失怙悲終天噉吁門庭事盛極有變遷如山頽不復如水逝不旋哀哀泣古寺昏昏度湘烟黯黯新阡卜兀兀豐碑鐫嗟從比歲來痛喘復苟延奉母入國門迴視隔世然使車今再發能不心惘惘

叔子抱才略鉛刀期一試萬里宰滇南懷親鬱神志季子卻超

然專謹在奉侍春風亂紅紫目靜看花騎

五弟今年未入春闈

自從前月

來吾母下階墜步履艱未復撫摩要勤至諸孫榮成行苦不盡
解事萬緒止一端再拜別吾季堂前一尺土渴盡兩人淚破涕
從此行家書幾時寄

平生友朋樂妙集當時英冠蓋尋冷交梨尊栖古情詞林多矯
矯諫院尤觥觥下僚經世懷高士著書聲凡我所不足諸君分
其贏我有萬一能仰報竭肅誠球鐘若互荅竹柏映逾清聞余
濫星使喜與稽古榮仍悵半年別念我萬里行或云使黔役用
小屈才宏此語乃謬誤程材視其衡遇川必懷珠逢山當采璣
祇虞力不足還戒心自盲誓擷邊山秀歸使大國驚豈徒畏簡
書亦報我友生

別顧先生祠

亭林先生祠小子始營繕幣惟城西偏慈仁森佛殿當時寺宇
宏帑集萃圖卷國初諸老儒買書乘暇宴先生結契廣僑寓置
鑑扇至今雙松下仿佛見遺跡承平二百載光陰若流箭古碣
餘斷龜空梁墜飢燕我卜隙地寬謂可靈爽與諸公聞此議合
作相呼忤春鏃猥見屬木質自遊揀剛蕪出古樹明月夜來冑
崇崇屋三楹爛爛秋一片落成奉遺像覽揆潔盥薦肅然道義
容警我塵土賤車徐譜歲月張子重論譔江南大河北餘韻蒐
討編張石州據車秋船徐星翁所撰亭林年譜合爲定本增益
辨正甚博且精搗稿至山東江南蒐得遺事詩文頗多
勒記待貞珉儀徵濡老硯阮相國師記
文尙未齊到冬雲條已飄春鸞復來
轉次第皆識職初終矢無倦持衡

恩命被萬里指羅甸登程復過祠仰止有餘眷涕惟明代末世

苦龍蛇戰氣節誠乃隆兵將多不練小儒獨何爲俗學爭相煽
語錄飾陋窳詞章闕輕禱先生任道堅千古係後先研窮經史
通曠朗天人見鬱積忠孝懷慘澹時世變同時顧李閻驂靳隨
鞞羈餘子因人成鞭箠亦相戀經心執聖權首啟

熙朝彥兵刑禮樂尊九數六書衍漢宋包羣流周孔援一線精
光燦日星果力策雷電自非菰中人孰開眾目眩欽惟

純廟年四庫盛編纂萬軸歸

文淵千士萃祕院儀徵實後至艸荆儒林傳論學采源流全編
有冕弁奏御當

先皇

乙覽大稱善

阮師撰擬史館儒林傳業以先生居首至嘉元氣
慶初年顧文赫採葉立傳進書時即依原次

入人心史筆非私擅小子雖惜學遺書早窺晒洎與修史職

傳生歎羨從來聖道大青史資爛絢微言察天地正路化狂狷
功名與文章因時見陶惟茲下學事萬古有繼禪儒林道學
分宋史安矜銜六藝天道樞班書儒林傳語意傳例重班掾先生冠儒
林狂瀾植厓堰君親鑿吾身學行須貫穿願從實踐入敢恃虛
談便且當語黔士庶弗規爲瑣再拜別先生歸來已寒霰

慈航寺

內有方格敏所設善濟院

賢哉方恪敏淡意託禪林法雨慈悲力甘棠豈弟心小橋流水
靜涼院午陰深避熱多官長清風孰嗣音

宏恩寺松

高松十丈高入雲低松丈餘低拂人高者不俛低不仰各數十
幹爭輪囷我來正被炎塵裏熱雨如湯日如火手蒲葵扇寺前
行背石磬陀松下坐清風遠引先蕭騷高松低松同一濤黃山

白岳竊已到佛雲香界天增高遠循門碑歎且讀前代璫奴此
祈福滄桑空閱法輪轉樓闕惟瞻

行殿肅我

皇儉德同堯階金鋪玉戶生莓苔松氣猶龍靜自吼

兩朝曾見

翠華來

保陽行館

平生嬾慢性巾履紛頽垢但有四尺牀由我屈伸肘行行至清
苑劇要邑稱首主人日不遑僕子意多苟破店爲供張入門室
如斗積塵堆土牀日氣蒸荒牖炎熱不可道閉置車中婦盤滄
尤艸艸一箸難入口慙愧對故人聊與傾苦酒時行東之蔡
疑堂在座回
思計借日落日挂高柳茆店擇所適村隴任閒走乘傳今則榮

苦樂由人手踞轉且安眠似此葢亦偶

圓津庵

庵在內邱縣城南十八里陳明府

敬猷

著人詔游願

久之

平生游事多艸艸陟磴穿雲如過鳥人嗤餘勇何處使我癩漚
光先滿抱內邱城外方午晴上燕炎曦下涉潦大尹多情念行
路謂可少休祛熱惱圓津古觀到人眼延緣小亭栖木杪蕉林

相國舊題記

延緣二字扁梁
蕉林相國題

桐城尙書重結造

方恪敏
制府

回廊曲

檻雖媚悅怪石蒼藤最奇矯二百年樹難識三四十竿竹偏
好壁閒詩句吾嬾讀雨後清風要吹飽層坡屈曲漸升高十里
烟雲看未了茗甌酌向石臺上松香竹韻紛來繞蕭然頽散不
自知脫帽解衣思睡倒誰言河北塵土惡似行江南烟樹叟更

規野水作漣漪擬著扁舟浮浩渺

祖逖故里

一代清談不習戎居然擊楫大江中
荒雞早激英雄氣駿馬能收戰將功
酒置河南諸老泣鋒摧冀北壯圖空
譙梁祠墓知何處故里蕭蕭野樹風

邯鄲

一生須有一生緣不愛塵凡也厭仙
走馬邯鄲沽酒去吟風看月白年年

東萬藕船學士

玉堂學士辭盤坡我亦史局休編摩
部牒官馬促行李輶車疾走飛輕梭
畿南愁霖二千里大遠積潦如江河
輿夫避淖亂插足穿阡度壟轆麥禾
牛驢驚奔失迴顧農父瞪目防撝訶
使者

心傷色愈厲王程期限無委託昨宵行館復大雨階庭頃刻生
濤波天明雨止又行邁赤日到面顏疑舵肩輿搖兀熱如釜兩
足窘迫懼其鞞道旁古寺獲小憩上有高松下艾荷高松盤盤
五六丈鷲鷲結就茭蘆窠晨暮清谿恣翔咏午炎綠蔭相婆娑
生物之智固有此令我內反媿已多營營文字本塵土擾擾名
利同孛羅從今罷賦行路難苦雨苦熱慙不歌卻隨牧童赴村
郭靜聽蛩語生庭莎清風颯至明月出與君薄醉當如何

慈壽日

念我萱闈近八旬年來髮齒健精神弄牀自引孫曾樂扶杖難
忘井臼親星指且蘭天萬里雲依慈竹壽千春團團窈繞稱
日鴈影差池各愛身

止五弟
在家

雨

嗚哉一片雨誰爲遺滂沱落作黃河水遠成東逝波惟應羨雲霧時復蹙盤渦去去勿回顧天無如雨何

渡河

二十五里外見隄如見河茫茫生敬戒浩浩復經過微翠遠山色濁黃終古波東南決未復謁者意如何

苦熱

奇暑如奇寒使人心氣頽雖懷冰雪性安得歛塵開請君茹檣坐酌此苦茗杯炎節苟不極西風何自來

道旁樹

飛塵三丈高馳輿走軒軒道旁得大樹暫憩清風翩憶當葉脫霜盡委冬日溫因循暑節至綠陰雲比繁苑枯聽天使炎涼與人恩投醪及挾纊小惠遂自言

蠅

半日黃河兩岸行
二三十里絕蠅聲
變更黑白雖天性
止向人家多處生

野人家

驛舍如流送使車
晚風行入野人家
坯泥作盤畫文彩
屈木爲牀隨曲斜
土美雨增瓜豆力
艸香晴健馬牛身
山中漸喜西成近
顧我在塵未有涯

萱艸

輝輝萱艸花
令我念慈惟粲粲
紫荆樹令我懷連枝
艸木自生長
長人心多別離
出門百里外何處
非天涯

村鷗

意行入村鷗
屋宇見村籜
菽麻繞屋淡
粟棗垂滿眼
從來天下

中土德豐所產羣兒出看客拾瓦逐吠犬犬性本自然兒意無
乃徧牧童烟雨中人牛意殊善

夏蟲

夏蟲戢戢雨後長天與能鳴非一族可悲可喜感人思蛩語似
歌蟬似哭野池蛙黽晚多事喧聒無情不堪錄天生此物有淡
意要使聞聲心化木

荊州以南陸路爲水所斷改由水驛

岷峨走山水衡鄂荒風煙荊州大會自昔威稜專我渡黃河
來炎塵攪行鞭漾水波浩洶荆門嶺連綿心知山水與勢斷有
幹旋况逢故人聚李戰門觀察程省齋太守益幸勝賞延行行至城下蕩蕩
高不竊行館何偈仄僻在城西偏城頭置長綆出入縋跟肩蓋
閉西北門云防大隄穿隄穿江滿城前鑿在往年坐遲伏汛過

乃慶孤城全噫嘻江水源流自渾與川大山日月藏大樹元氣
連雲雨助泉胎洩此萬里淵芸芸生民繁遂逐嗜欲牽伐木涸
巖澗削嶺開陌阡雲木亂苑枯雨暘失節宣泥石排艸樹推流
成積填江腹不及受浩溢遂無邊水中田廬化水面城郭懸大
江有門途此郡實關鍵門途旣荒敗關鍵何由堅樓堞雖宛在
民氣長蕭然將軍亦能軍射水弩無弦守令職牧民其魚恆自
憐惟希數載後天心有移遷安彼蛟與龍還我屋與田我昔過
鶴樓斜陽滯歸船江澗四十丈此語父老傳遂乘明月定測向
淡波圓繩長不十丈已著水底天庚子冬舟泊夏口至江心湖淡如此荆州距武
昌計里已逾千積高形可想瀾漫勢所便前途水潦塞行輶無
由過使者來擊楫榜人聞扣舷夜雨亦何苦水聲不得眠靜念
江濱上亦有治水員大吏有聞見斯計安出焉黃河決未復帑

缺方勸捐

到常德得楊性農親家信喜晤阿兄荔農

荔農十年不相見意氣向人彌穩練雖云壯志厭看鬚無奈老
痕都著面朗江清清不可孤高杯大扇容狂呼盜崎歷落休相
笑脫卻征袍一野夫

修梧奇竹性農性文采幽騰風骨正一第蹉跎笑問天千秋著
作還爭命書來告我秋閉關舟車高挂風日閑母健妻賢兒子
秀讀書飲酒看青山

鄧湘皋丈見示沅湘耆舊集竝得知湘中故人近狀感

歎有作

丈人顧我歎不見十年來慘澹名山業遲留夜月杯秋荒聽雨

屋雲渠丈下世春老授經臺仲即小泉已舉孝廉問到河西墓蒼山萬木哀先

安公葬長
沙河西

一慟成者舊蒼涼數首詩楹書雖好在洛誦感淡知

先公全集
丈未之見

就傳誦者六首
錄入香齋集

魂斷聯珠集才憐片玉詞

弟了毅詩
亦採入集

趨庭今

夜寢悲懣兩俱疑

出都以來吾父與毅
弟幾於無夜不入廡

短燭看身世淡談抵嘯歌感時秋水至

時各那縣
皆苦水

讀畫故山多

丈人爲題王蓮心
先生滿湘冊子

老筆紛金石沈栗翁
黃虎癡高吟尙薜蘿楊紫卿
湯小悟文

章繫忠孝期獎意如何

武陵曉發

曉霧齊飛萬綠環居然風景近鄉關新粳米熟桃源洞苦荀林
香葛府山荒帝白雲爭送客野村流水自成灣谿翁笑指前行
路記取山亭半日閒

木瓜山

澗蘭沅芷湘江竹，楚國芬芳萬古情。
卻怪謫仙題句後，山頭無復木瓜生。

東藕船

殿前作賦振瓊瑤，華秩親承

御筆除

補給以由編修起

廷試第一

句法流傳增望重，詞林領袖總懷

虛雲龍瑞色團香案

時奉命內閣批本

山水清光照使車，到處誼呼看

學士綠陰涼院正攤書

我慚接武到花甌，使節重持漫五年。
身事蒼涼霜後果，情懷澹

沱雨餘天香風灑，浦移秋櫂古洞辰。
山破曉煙橫觸閩游，思舊

侶西江詩社總前緣

蔡千山前港觀察從澧州寄書來問詠玉山昔與余同典闕試亦江西人

晴

萬壑濛濛裏，旋看野色分。
荒村拖臘雨，危石礙歸雲。
澗緩新波

勢落明古潤紋陰晴問明日山氣晚氤氳

次藕船桃源洞詩韵

一櫂漁舟返何人更滌源田園千載後雞犬幾家存古樹雲爲影修篁石作根流泉山下去終古不知門

當代陶徵士高文託興新山河看晉魏風雨想周秦野廟荒誰

葺殘碑半不真桑麻秋正好聊與問前津

前津有淵明祠

秦人洞

秦皇虎視埽六合六雄俛首皆稱臣既班詔書壹度量盡銷鋒
虞坑儒紳豈知亂萌有先見攜兒挈婦稱避秦巖居不止楚三
戶本俗尙是周遺民當時丞相非臣斯小篆未出况八分山中
俎豆尙周製當有六經真古文後來陳農不及采矧彼羸骸何
由焚惜哉漁父不識字忘谿遠近空遶循郡國屋壁旣難恃大

航頭書來亂真南陽高士志尤阻柴桑隱者詩徒新谿水縈紆
三百里桃花開落幾千春我知難免洞中笑終古紛紛皆外人

荅藕舫

古洞言尋大小酉炎天已過後先庚辰關快雨馬神溼

行館在馬神廟

側午夜晴河牛女明南國佳人乞天巧西江學士動詩情無端
萬緒予懷集聽盡牀頭絡緯聲

七夕

還家遠鄉知難卜十幅湘簾盡上鉤一水盈盈初入夜雙星澹
澹不禁秋涼風乍拂波浦殘月低垂乞巧樓莫笑匏瓜太無
匹青天碧海不知愁

山石

峨峨山上石萬族難具論伏若神鬼幽莊若將相尊恣作龍蛇

蟠猶似虎豹躡殊形化一氣併向西南奔山力健欲飛負戴同
掀翻眾怪不得出踣齧腹背跟山厚若不知靜制萬動源蔭以
艸木華澤以雲雨繁羣石如嬰兒得母不及恩從茲千萬古相
與安且敦

辰龍關遇雨

山外忽見天天外復見山山天不相讓盡作辰龍關北不見秦
洞南不見谿巒管以數尺地儼若內外閑石壁訝斗絕秋天凜
其顏飛鳥所不到猿猴況能攀一與繩兩緜人力躡天艱懸崖
古踝痕繡盡苔蘚斑下關勢漸夷墟里人煙環一飯聊可憩野
館花木爛大雨勢何突頌雲氣尤頑狂風來卷雨山壁溼斑斕
意欲一掃盪所苦風穴厲風定雨亦歇娟娟千鬢鬟但見辰關
上山煙閒往還

亂水

亂水無正流亂山無正峯直立側立石橫生側生松清風颯然
至澗壑千琴鋪羣喧有至靜令我竦聽恭白日落何處失卻東
西蹤但見山山顛側影明複重歸雲縈行子入戶低相從暝色
四面來檐嶺皆彌縫皎月升夜輝一破野靄封照見千山影金
波玉芙蓉

羣山不得路奔騰趨古驛到門又不入襪襪如荒客或莊若足
恭或樸若坦易或傲若危坐或低若落魄雖云異情性皆可遺
形迹無言生古懷命酒對叢碧醉抱山影眠風煙來鼻息但愁
飛越難使我廢路窄

輿夫

輿夫生山中山力聚兩股加以兩縷牢有似傳翼虎荒石不成

象凹凸生鋒距直上若登天面對赤日午造顛乃復下行子不敢俛橫覽強自排顛頓且由汝森壁連側斜十里無棲羽炎日炙幽蛩啾啾聒林莽

船谿驛夜雨達旦

雲氣不藉山雷聲不殷谷山雨何處來潛師如發伏然鐙照宵宴光氣難出屋雨聲稍欲斷蛩語紛相續狂霖忽橫肆夜氣竝逐疾如發萬弩沛若決四瀆壓寤不復醒寢催起行速天明雨未歇聊與休童僕

山靈出狡獪作意給游子湧沛時一來涓滴忽復止客心自恬

然吾今且休矣斟酌酒盈樽橫斜書落紙學士坐下簾靜研三

聖旨藉翰日枯蚊得雨氣勢若飢軍起嗜嚙聽所爲雨候何足

恃山淡秋未到野花亂紅紫湧沲復無情葩鄂紛披委檐雀飛

上樹似語晴可喜客有再宿緣明晨看行李

紫荆神祠

船船驛行館

巧婦入門閨能移手足親如何紫荆樹幻作女郎神祠宇依行館
禳祈動野人好花紅爛漫占盡一山春

山塘和藕船韻

花下稽留一日行征衫又見野煙生層巖直上懸將落萬壑爭
流怒不平丹岫撥雲秋寺老山塘聽雨夜鐙橫君休爲我詩懷
瘦笑問黔山定幾程

余偶不甚適藕船岑寂可念

山雨

短笠團團避樹枝初涼天氣野行宜谿雲到處自相聚山雨忽
來人不知馬上衣巾任沾溼村邊瓜豆也離披新晴盡放峯巒
出萬瀑齊飛又一奇

霧

山氣晴未收，不雨卽成霧。游子行相呼，先後無十步。因循得夷途，渺莽失回顧。初陽破積氛，靜數山頭樹。

丹山洞

辰谿縣對河

沅陵三日未逾界，石突山頑雲色怪。看盡峯巒不迴首，何處好山堪入畫。辰谿山色殊不同，蒼顏秀骨嵌玲瓏。丹山絕頂更傑恣，一眺萬里雲煙空。懸崖側斜瞰水府，孤寺兀傲凌蒼穹。頽雲倉皇化爲雨，石壁動搖都是風。沅江西來疾如馬，到此盤旋頓鞭跨。狂風卷水飛入雲，一氣茫茫蓋天下。洞門陰淡留古寒，百丈下有蛟龍蟠。腥涎競涌四壁出，奇雨倒向空中團。憑闕倏忽易光景，電掣風迴煙水永。映日鱗鱗萬屋明，黏天葉葉漁舟靜。游人心悸神已愉，老僧蒼然輒鑪他時說。與玉山交爲寫丹

山快雨圖

昔年使闕每山水勝游余皆有詩玉山前輩必有圖

水邊看月

少年狎浪浮湘舸江頭明月狂過我看人醉倒照人眠睡醒一身涼露裏今日步循沅水濱天邊明月瘦似人不知見我有何愧斜行疾落難爲親沅湘通波不千里月意差池乃如此何況山雲水面風恣恣相顧各西東

芷江行館近接楊家庸家兩園爲賦二小詩

素心蘭

淡心太素絕聲聞悔託靈根壓眾芬萬古貞風懷屈子一江白月弔湘君香逾澹處偏成蜜色到真時欲化雲園榭秋光都占盡故應冰雪有奇文

謂楊遠材明經

盆竹

秋篁幾竿直古鉢三尺圓下旣不得地上故不造天無處展枝
葉何由掃雲煙依然根節好涼月夜娟娟

玉筍堂詩

有序

道光甲辰秋七月余與萬藕舫學士使黔行至沅州阻
雨謝篠莊大令同年來晤於行館適後院有隙地頗就
蕪余曰何不及此雨俟盡與種竹乎篠莊欣然卽令人
於城外移來數百竿不半日閒風梢霧葉修篁成林余
聞篠莊爲令敦俗重儒士氣興起因題一額曰玉筍堂
蓋非徒記一時會合游憩之樂亦冀此邦人士抱節浮
筠干霄直上有如此竹也旣別後復作此詩紀事以張
佳譚寫餘興焉

沅州一夜浪浪雨路滑雲淡滯行旅奇想忽從荒處生人功正

及天膏聚此君排闥至何速官符促調誰能拒昨夜吟酣野外
秋今宵醉裏城中土揮訶木魅越牆走驅使山靈荷鋤舞雨聲
方戰竹聲來狂風下瓦雷伐鼓泥中漚漚百夫忙煙外蕭蕭萬
葉語主客相視竹大笑我有贈言煩記取淡冬大雪要培壅來
歲雖萌戒偷養頑鞭易長佳篠難屈節須芟稀處補豈惟要術
仿齊民頗謂用心通治譜長官愛客兼愛竹因客得竹固其所
長官愛竹尤愛士護竹如士培植苦我家濼濼初發源沅澧通
波連五渚從來桑梓有恭敬忝賦皇華漫矜謏學士先題珠玉
詞吉語定符鸞鳳羽我書玉笥榜虛堂愛士如竹客卽主雙星
使者宰官身韵事忽逢萍聚新溪談商許到身世明日別離多
苦辛驛館華燈今夕酒渡頭荒樹古來春他年鴻爪如重印佳
士修篁是主人

素心蘭

藕船云詠此花惟心字難寫出復戲作一首

國香異凡品獨汝尤矜重素素亦何淡心心看欲動露鬢曉黏
蟬冰鬢春化蛹胸前白似雪想見西子捧報君以赤心厥語樸
可悚何如守芳潔澹極不知寵

芷江早發

前宵猛雨捲蓬廬此日輕風送使車斷湖瑋瑋清磬響荒巖詰
曲古文書山容奧異有靈氣雲意混茫還太虛石壁凝凝火焦
色媧皇鍊後益焚餘

高巖

高巖若夏屋延石更延壤稜稜甌甓痕隱隱機春響疑有上古
人雲石自和養不令塵世知知亦無由往

谿水惡

便水驛早發過沅江舟人云前夜雷雨時有山谿水暴
長漂失屋廬人畜數十家感憤有作

谿西種田谿東住谿流清淺赤足渡物外炊煙數十家板屋彎
環水回互人人皆言谿水好淅米灌園無十步誰知昨夜谿水
惡大雨一天千澗赴懸流十丈簾中來樹飛屋走無人路男漂
女沒不相知雞犬豬羊竝同去谿水依然平澹流浮戶日出過
沅州戚黨招魂向何處洞庭東下海西頭

水雲篇

人從山下上水從山上下足力逆水力飛湍人面瀉人從山上
下雲從山下上入雲復出雲元氣溼泱泱雲流無聲水若雷水
勢奮疾雲襄徊無心相遇自終古冉冉行人何事來

山坡

山頭墜落斷行路泥水淤淺和艸樹輿夫插足不可拔推輓多
時無十步山坡艸屋八九間敲傾破碎人無處使者休嗟行路
難短吟試擬歌督護

伐木

山氣作雲雲化雨雨過雲歸山是土山中大樹幾千年融洩乾
坤雲所祖蝨民伐木心不憐山上種田秧到天雲根將枯雨候
薄漸恐人閒多旱年

小樹

大雨吞山百丈斜山隈摧落幾人家中閒小樹渾閒事顛倒生
根又放花

渡沅

今日渡沅江，明日渡沅江。一日一回渡，風橫雨不降。五里渡沅水，十里渡沅水。一日兩回渡，雨歇風不止。風波雖惡，莫阻連行路。從來只信天，秋江易晚雨。又作浪靜風平無渡船。

元象

仰睇高峯，俯瞰川鳥。飛猿渡其盤旋，石根水怒。石天外山，驚山外天。形色千章，亂昏畫虛空。一氣作雲煙，厭觀人世閒情。景元象來，窺太始前。

晃州贈家芟亭通守

楚天盡處，使車催恰喜。君先六日來，萬里秋風京國。一江涼雨，夜郎杯心勞撫字，堪忘老論到文章。只愛才卻羨，衙齋山色裏。書聲長得笑顏開。

時肅京師舊游
並令郎姪來見

晃州

行盡湖南半月程
秋風吹送夜郎城
鐙前一夜鄉心碎
卻聽江聲是雨聲

長安月渡黃河水
送客荆門下五谿
一片清暉不知遠
今宵卻到夜郎西

將至黔境賦贈藕舫

珠泉繡嶺鬱縈回

寵命新除學士來

學士典黔試前此所無

星炳文昌齊上國

帝期邊徼得奇才
詞林根柢欣同調
使節光華許濫陪
萬里無雲天似玉
黔南山色爲誰開

東洲艸堂詩鈔卷十

道州 何紹基 子貞

入黔省界中丞丈遣吏來迎意當有家書先至黔卻寄
來此乃不可得作詩寄子愚弟

甲辰

母言兒弟善承歡兒念

君恩強自寬六十日同經歲別七千里盼一書難思親淚滴谿
流熱作客心吞月氣寒山館鐙花聊慰藉連宵歸寢話團圓

玉屏山

黔樹茫茫到眼青奇山多少未成形疏煙淡雨玲瓏月透盡秋
光是玉屏

禾根歎

分秧插水青戢戢先長禾根後生粒秋風滿野穀上倉禾根割

置枯猶立低田漬雨高田乾日中焦摧雨中泣歲晚淤田還用
汝火薙泥掀和糞汁

鳳仙花

碧梧修竹野人家曉露晴餘晚有霞到眼秋容明似錦半山多
是鳳仙花

青龍洞

在鎮遠北箱子巖

蜿蜒十里兩山分山鳥徐歌澗艸芬浩露紛飛真似雨炎曦隔
斷不因雲巖間樹動作龍氣洞口霞明懸水紋想見千年抱珠
睡無冬無夏總氤氳

文德關

鎮遠

山形堆笠亂無數山腳有屋腰有路舟輿不到負戴通服賈耕
田自來去山荒水涸天所艱置郡立鎮兼設關文德武功

天子聖傳車星電不曾閒

羣兒樂

四人肩一輿翼傳兩長纆黔兒十二人羣曳陟崇嶺巉巖鬼獸
踰習見念其慄戒諱若銜枚進銳不迴頸雖殊莊與嬉合作亦
何猛一夫偶失勢眾力無由騁夷途暫徐行競掬巖泉飲羣兒
樂可知得錢乃官廩家有母若翁歸可奉肴餼念我輿中人北
堂阻天永

過文德關苔藕船用昌黎衡嶽廟韻

快晴連日由天公行人出入蒼翠中看山得此信奇福獎州西
去知尤雄曉煙送我郡郭外目未及騁心先窮層峯斗起徑到
面十里直上如乘風鳥飛不過猿渡絕雙巖夾峙關門通巖閒
遁雨十日伏驕陽搜出雲騰空當關一覽失決滂萬里積滓皆

消融眼中自亂如米足底闔輪聲應宮秋容爲我爛寫盡開
遍野花藍白紅敲詩敢信有奇識韓輪詩以余黔南山色爲誰開之句爲有先兆造物

或者憐愚衷與君先後侍香案東華人直相鞠躬

太和晨啟秋正好想見此日祥雲同渡河以來正農穫楚山黔
山相始終所願淡秋徧開霽大田萬寶收成功黔中文事近已
洽士氣振發開朦朧入關來賦日五色豈徒候尉齊西東

紅豆

秋來紅豆實離離折向淡山帶露垂風雨懷人江海徧一枝何
處寄相思

垂蕤雞冠

無復高冠紅映日垂蕤止合逐雌棲秋風折盡英雄氣枉費才
情詠鬪雞

關干

清谿行館在縣署之右依山有關干戲爲絕句

我愛關干地依山抱石臺分明宰官意不許吏人來
我愛關干架橫平似水流量來三四丈曲折不勝秋
關干不用染白木逗清堅秋光宜界畫紅綠總天然
關干不用照卍字本同心明月來相印同心卍字深
我愛關干裏流螢照寂寥倚關人不見清露上芭蕉
我愛關干外高鐙旅思清山城關不住十里夜灘聲
我愛關干上雲行月也來止因有人在到此重徘徊
我愛關干下青苔逐步移展痕同宿潤晴意艸蟲知

關干

前作乃清谿縣署關干耳推廣之復得數絕句

山露秋如滴天風夜不寒
高歌誰解聽和月拍闌干
學畫琅玕竹橫斜不耐看
琅玕本難畫先學畫闌干
平生性嬌漫使氣還遭罵
何不學闌干直方偏善下
區區幾弓地分作三三徑
有人曳杖來闌干俛相應
闌干經雨損連日得晴妍
誰把闌干補黃花老少年
闌鶴不闌雲留月不留雨
我欲問闌干闌干不能語
長日行行影澹秋步步苔
闌干靜如畫不必有人來
闌干知人心扣扣生痕迹
木石作闌干闌干非木石

羣石

山坡聚羣石貌古意多殘
常受水雲澤仰知天地寬
升高竟無路就下亦知難
終古側斜立置身何日安

飛雲巖

垂天之雲向空布來爲人閒沛甘澍功成氣猛不自收太古陰
風莽吹迥雲欲上天天謂頑太虛縹緲無由還雲欲迴山斷根
絡壑祕巖扃無住著忙雲失勢化閒雲雲自無心不悔錯幻爲
百千萬億雲雲雲一氣相合分一雲乍起一雲落一雲向前一
雲卻一雲奮舞一雲媼一雲歡喜一雲愕大雲睚眦母覆子小
雲齋戢魚吹水醜雲惡縮妍雲笑癡雲疑立靈雲詭睡雲頹散
欲著床淡雲散渙偏成綺三雲四雲相頡頏十雲百雲不亂行
如神如鬼如將相如屋如塔如橋梁如龜蛇螫虎兕吼鸞鳳翔
獾虯龍糾世閒人我與眾生雲無不無無不有雲來東北乾坎
門性不耐寒思就溫軒軒欲向東南奔乘巽煦離翕以坤一雲
來翔眾雲萃上不就天下無地若離若狎若覲覲不疾不徐偏
不墜百千萬億空中懸飢飽病健相牽連健雲扶攜病雲走飽

雲汗出飢流涎涎垂汗注霏珠玉人來雲下人雲欄橫奔疾走
雲尙在仰自摩頭俛捫足人共雲行雨不知千百人載雲半腹
叢叢萬松插雲顛如齧蟻鼻負戴堅天風時來松亂颭雲凝不
動松影圓白龍同雲自天下雲不飛回龍亦罷瀑泉直飛龍所
化電激虹伸越雲跨龍則有智雲無情雲自寂然龍怒鳴雲雖
大拙乃勝巧龍亦無術升天行雲罇孤亭嵌巒巒危葉在樹風
可脫亭中呼酒人看雲酒動人亭雲竝活老僧逢人說慈悲謂
千萬億雲卽佛雲不見佛佛愛雲雲佛佛雲有伸屈我躡雲趾
坐立眼登顛看松脅聽泉泉下灌田松照天雲閒無事幾千年
不嫌礙笠又妨屐試與摩娑生潤澤扣之有聲出自魄非木非
金色蒼白我行十里方出雲且蘭早秋天正碧寄語看詩讀記
人我所道雲都是石

香花藤在飛雲巖下

來看紫藤紫直緣蒼柏蒼山風萬藥發佛界一天香葉聚淡秋
露根舍太古霜雲飛兼灤瀉讓汝獨龍翔

黃平州行館見菊與藕船小飲是夜涼甚相傳州舊城
地平多煥新城地高多寒理或然耳秋節亦當冷矣

飛雲巖上題詩處半日回頭紫翠閒天到且蘭風易冷人逢荒
菊酒難刪殘磚賸拾宜孃壘寶月長懸古佛山我欲徧將吟屐
印傳車明發去閒關

秋海棠

不解海棠意秋花嬌過春山淡風露冷燒燭更何人

藕船連日少作詩戲贈

淡入黔山裏天公意匠廉盡排千岫直不放一峯尖畫闕憑誰

解杯遲任客嫩從來題記重鏤管未輕拈

兒落樹

行人驚落樹閒兒兒悔貪多下樹遲靜夜老猿偷熟果露珠不
動月橫枝

重安驛

來時見鳳山去時見鳳山憑關忽不見身在鳳山閒

狔狃

狔狃新居徧莊唐舊迹遙兒嫌盤髻重女愛打牙嬌羅甸同
文教星墩護使軺行閒鐵甲士多是紫蓋苗

苗民從戎多是紫蓋苗一種

雲谿洞在清平縣北十五里卽大風洞

茲山混沌初胎孕十尋玉暗泉九地來神髓浸濶足化工妬奇
珍奪玉出自腹山公不敢愛委此一大璞泉源失所護出山漑

禾菽餘氣山顛浮滋漑閒艸木念玉如念兒去雲如去肉至今
泉流聲洶涌怒猶蓄樓觀歲月遠洞穴煙雨伏終古長眈眈臍
乳耳鼻目

白泥塘

吾鄉白泥塘戊子春與五弟南歸騎牛釣魚處也驛汎

有此塘名口占一絕

無端棖礪故園思何日回家更息機細雨白泥塘上路騎牛出
去釣魚歸

牟珠洞 貴定

有橫有斜多是直有眠有行多是立有樓有梁多似塔亦龍亦
象多似佛俛擲如筆仰矗筍瓔珞鏗槃費雕刻中閒一柱十尋
聲實實虛虛萬穴孔光明堅固不壞身獨擎一山靈氣重山顛

古柏幹銜直高不一丈壽數年夜爲老翁逢客言補天尙託媧
皇年千山化水水化氣此山不化鍊更堅雷霆丁甲萬鑪鑄臟
腑融液中心懸天公坐慙竅洞去萬劫茫茫山棄捐其秀有化
有不化流液復結離復連媧皇女子不了事黔蜀於今多漏天

響琴峽

平越州

聽琴想見幽人在萬仞山頭大月中清露一天猿鶴靜元音萬
古水雲空星飛上界寒疑雪石裂虛巖暗有風旭日東升人事
起浪浪餘響射奔洪

龍里行館夜雨枕上作計晴將十日矣

貴陽煙樹近暫可息登臨走馬千山影聞雞五夜心晴餘涼有
味秋老癯俱淡忽聽瀟瀟雨聊爲擁被吟

布鋪地

肩輿多坐少立行足偶落地輕且清氈絨鋪地時亦有促令徹
去生光明黔南郡縣風尚異行館多將布鋪地淡屋三間布百
尋徧與砌平露光膩豈惟不見土亦使不見木土木有何幸常
免鞮泥辱山行十日九日雨兩足裹泥重於杵更兼犖溺愛山
行鞮鼻磨平底將腐升階入堂慚又憐不敢行立思坐眠

殿上曾依方鞮篔

殿上考試坐
氈篔有革面

山中猶賸舊青氈青氈鞮承

先武砥礪儒臣有根矩今日叨乘使者車能無動念生民苦猶
憶吾邦沅濃鄉罕將機織濫鋪張城中多向櫻毯滑野館更喜
松枝香此布鋪殘有誰惜機女辛勤銖寸積黔中布價今幾何
四十青銅錢一尺

三班夫

王程雖道無疾驅考官向給三班夫一班折價兩班在八人分

昇登前途中間兔脫又逸去五里換班仍缺數雖殊一足夔可
憐嗟同三耦公不具息肩傷趾多趨趨甚雨酷熱徒欷歔後來
留吏去如電二十名夫舉一與古者先王謹疆域六轡皇華馳
四國於今

皇化恢幅員萬里邊山若門闕文臣策馬艱遄征崎嶇惟恃肩
輿行兵曹例載七品職馬有九匹夫無名

免海菜

輕若銀絲圓比饜官燕能將八珍壓明翅醃醃釀桂花穉參片
片飛胡蜨海錯雖貴其臭腥脂膏仍乞他物靈炎天雨路厚滋
味不獨損神兼損形駭征計日疾如駛南北供具都相似主人
敬客苦難卻使者靜思真過侈況兼重累朝夕餐雙箸未下脣
先攢白飯兩盂須臾腹青蔬一味促登盤物力可惜身可愛此

後先傳免海菜客路精神畏簡書秀才風味留吾輩
竭來使館清有餘日日食單皆自書苦瓜香薤連朝見上品無過金鯽魚

寄家書

艸艸還家癯不淡家書望斷碧雲沈止應多寫還家信閒話更
端慰母心

桂花香裏平安字計到家時菊酒濃老母開顏應一笑兒書兩
月十三封

賀藕耕中丞丈得子愚弟六月廿八日書有家中平安
語遣人持示典試例不得通家書也且慰且悵

萬水千山少鴈聲平安傳語未分明高堂白髮行人淚一例關
防似不情

中丞丈人見示陽明先生遺像敬賦書後

我行龍標越龍谿龍場更在龍谿西陽明洞天寢早到日星萬
古開荒迷我行黃平月潭寺千仞懸崖讀碑記螭蟠猱攫鵬鷁
翔中語想見看雲此游憩中丞丈人政學兼遺像示我虔拜瞻
英風道氣兒溫肅鶴骨瘦立松蒼髯當時一疏貂璫悚萬里投
荒狎蠻種山窩玩易通神明石柳觀天谿塵壅吾性洞澈夜氣
真講學日與諸生親奇哉膽落安貴榮責以減驛促出軍羅施
宣慰懾且感茶猿摧枯何不敢擒王勝算非足驚任道餘力隨
所擊先生經義先窮研性天頓悟空躡筌後儒思學有偏廢超
厓走棘多危巔丈人有道莅茲久考禮修文滌頑垢度藏遺像
扶風山風教扶持意何厚學術孰始開黔馭許君弟子尹荊州
圖書業成授鄉里千載墜緒懸悠悠先生施教遙與繼禮樂須
明典章制用何陋斯黔士無徒仰止勞欲悟良知先六藝

入闈贈藕船

君如瑞鶴我閒鷗同泛青蓮太乙舟三十年來秋土感七千里
外夜郎游

彤雲早映金壺墨皎月新歸玉尺樓典試所居從古邊州產奇傑皇
華拜善勉諮諏

夜雨不寐

八月早寒吾未經晚風人意怯紗櫺蚤聲易老山多雨鐙影增
明天少星迴潤舊衣成散漫無眠孤枕太瓏玲愁煩難入癡奴
性倦倚牀脣喚不醒

試院書懷柬同事朱鹿賓章鷺門畢雪傭許蕙塋竺个
園嚴琴颿諸君子鄭桐峯朱秋田兩同年用坡公監試
呈諸試官韵

乘輅出國門適館費官廩糗脯飶

君恩粗糲失天稟行經豫楚會俱慶年穀稔晴遲熱日眠雨看
高雲飲學畫煙滿幅敲詩墨涸潘顧惟使職專黔士待甄品瓦
缶欺琴鐘芝蘭忌蕢荏滓心苟未瑩鑿物何由審梓州

皇化洽無謂細已甚農功勤水庸蠶織富山錦士職詎獨疏金
玉沙礫礮吾聞駿骨收鶩駕勵蹕蹕又聞陽律奏幽谷脫寒凜
六經日堂堂百家雲淦淦文章有根果至味薄棗楫諸君委簿
書甞喜聯屨枉勤詎稽古彥仰荅

當宁朕王事資賢勞私願阻來諭笙磬有同音昌歎無獨飪論
議化言卜顛倒防宋沈雨乘秋氣煩聊可捫腹寢文字一追尋
肝肺苦磨餒午靜鳥飛寂鐙燄蛩語噤念彼白袍人何自親杯

沈

醉後再用坡韵贈內監試陳訥齋直牧

蕭蕭監禮儀紛紛飭庖廩鎖鑰尤深嚴啟閉必諮稟能以定力
肩暗破積習稔弊塞石澗穿墨去貪泉飲舉要如引網慎微防
拾瀆先生治劇才萬緒別門品剛能化廉劇柔乃非苒荏邇來
闡例煩積羽幾搏審絲勢已難治毛舉復太甚十女持一機何
從得完錦百夫治一玉何由汰沙礫謂宜示渾樸聊與安蹕蹕
風霜偶一擊足使萬類凜黔中被

文教久靜魚鮪淪如樹穀望實如植桑望椹安得詩書氣薰染
到巾衽教士傳文翁講學慕高朕官長民事餘士習固已諗謂
宜勤陶甄鼎鼐成熟飪庶期比齊魯不自儕蔡沈學宮履修葺
疏報未嘗寢何不多置書經史廣雕鏤河導百川通鐘鳴眾簾
際先生笑謂然君醉宜就枕

次韻答藕庚中丞丈閣中苦雨見簡

鐵硯峻嶒布席單風簷萬瓦雨聲寒雙星忝與持衡重九載淡
知造士難名酒暫宜閒夜醉蒙惠佳酒奇山須向快晴看諸生勉副
飛騰望老筆歐陽興未闌

望晴

白日看天夜數更滯雲寒雨滿山城蠶聲食葉多辛苦好放秋
光十日晴

夜雨念應試士子

響透空階潤逼衾垂簾無寐酒難斟夜郎萬里看山眼秋士三
千聽雨心今年止三矮屋支殘檐潤直寒更敲到燭花淡淩雲
晝日文章福莫愛精神一苦吟

公膳有蟹分餉同事諸君次日朱鹿賓章鷺門以詩爲

謝次韻奉荅竝邀同人晚酌賞菊

黃花未至先有信官庖戢戢圍尖進無腸誰料出機鋒朱老章
侯遲豪儁奇思妙偈盡包裹拾慧到余如食餒自從點黥役文
字目混朱藍奪吟興中秋佳節隱蟾蜍苦雨空庭淹蟻陣幸竣
官事硯將枯乍有高談燭易燼謂宜宴坐養虛明又被爬沙乘
罇蠶雙螯雖具瘦難持嗟同愛馬憐神駿今日無蠻有監州人
齊庖非短菘肥堪摘攜初菊忽來數十枝聊與諸君同嗽酌人

闡墨刻成合四書文及經策得六十餘篇炳朗可觀同
人謂黔中從來所未有喜成一律

玉尺樓頭大月懸奇光照徹夜郎天秋風鵠立三千士滄海蛟
騰四十賢經術居然參許鄭才思時復到雲淵聯珠疊璧欣傳
示爲破荒寒二百年

題周小湖前輩評梅山館圖

梅花千株萬株發風橫雪灑爭排突淡濃直斜各殊態同一
稜歲寒骨先生屢奉乘軺使鉅眼評梅更評士要備和羹鼎
需豈徒鐵石心腸似今日作郡古趙張培化振俗勤農桑梅
未開菊已爛醉客何殊有美堂連日壺觴近文史一別星郵
七千里想見冬初索笑來翠羽無聲月如水

羅蘇谿方伯前輩齋中觀傅青主書

誤信山陰筆陣圖縱橫排比總書奴麻姑壇記能醫俗除卻真
山解道無

題朱太常萊城守禦圖冊

靖南方出師異志有先覺招撫矯詔書抗論識尤卓蟒衣出南
門忠義動風雹公外大軍來完城比完璞觀其戰守計經緯如

管樂誰敗乃公事同城多握齟貞臣任不專時事際復剝一儻
享千秋英風滿棖栢

晉孫夫人碑書後

晉任城太守夫人孫氏碑自乾隆甲寅江秬香始得石
於新泰縣新甫山中黃小松司馬爲之釋文阮儀徵相
國師據以九山左金石志者也余久得拓本願未淡放
茲於蘇谿前輩齋中得見秬香初拓本及小松手書釋
文竝錢竹汀王述庵孫淵如武虛谷桂未谷洪稚存王
伯申伊墨卿陳曼生翁覃谿諸老竝儀徵師題記石墨
增華文采斯萃因細繹釋文推求拓本尙有數處誤仞
者如今我不犯尊而蒙優詔乃是令我乃犯尊而蒙優
詔也同歸殊塗爾其□哉原釋皆缺實止哉上一字不

可辨也有□□意時夫人身□在家止父令留而謂父
曰功成而還雖天之適然事君不懟□能□倫聞□□
□爲吏部尙書多用老成先帝舊臣舉□不絕必不忘
君旣而累舉君爲侍中此段原釋脫誤字甚多也夫人
在羊氏沈重有度沈重二字當補釋任城非夫人姑□
生姑字尙存其半上感慈□□飛□□下惟詩人刑于
之言瞻前□後率由弗違以御于家邦終始以孝聞□
□夫人之力也此數句原釋亦多脫誤也□方不肅之
訓方誤爲力方上蓋義字也□□歎曰其嗣子之歎詞
歎上非乃爲二字也合問日新令字當補也夫人蓋早
喪母而孝於父所生子不育而嗣子迅爲之銘也按魏
志盧毓爲吏部尙書使毓自選代乃舉阮武孫邕帝於

是用邕管甯傳侍中孫邕薦甯孫邕蓋卽夫人之父矣
文帝典論北海王和平亦好道術自以當仙濟南孫邕
少事之卽其人也鮑勛傳帝屯陳畱太守孫邕見碑僅
言爲勃海太守者略其一耳齊王芳紀注引魏書景王
與羣臣共爲奏內有光祿大夫關內侯臣邕以論語集
解序證之卽孫邕也此不言關內侯而言建德亭侯豈
後復改封歟任城王國當稱內史但內史亦可借稱太
守且據沈約宋書則任城在晉亦常爲郡也魏志桓階
字伯緒長沙人此作伯序者階陞也序東西廡也作序
者正字作緒者假借字爾雅序緒也同音同義得相假
借也桓階爲劉表從事祭酒表妻以妻妹蔡氏自陳已
結昏拒而不受解疾告退此得復有少妻伏氏致文

帝令邕取之者蓋繼室也洪景伯跋廣陵屬國侯夫人碑已有漢婦人墓銘石刻存者止此一碑之語又晉武帝紀咸甯四年詔毀天下墓石故晉石傳者絕少況婦人碑乎朱朗齋以八年爲泰始八年王伯申以文母爲文德之母說皆可據新泰縣志載任城太守李夫人碑李字直孫字之誤耳至袁楸謂漢晉以上婦人無立碑之禮引齊書王儉論太子穆妃不須石誌辨其爲僞膠柱之見不足置辨也倚裝題識復作詩一章以志欣賞我昔壬午年廿四東山使節日隨侍徧甄秦後篆分碑始讀儀徵金石志任城曲阜兩京富歷山雲峯六朝萃典武寥寥片石孤任城太守夫人記我思洪氏生未晚侯夫人碑早珍異何況咸甯詔毀碑一代貞珉付荒墜夫人賢孝非偶然天與護持神

與閼堂堂一千五百載
朗朗二十八行字
江郎得石黃子讀題
者錢王孫阮柱泰山國內秦刻餘跨越兩京此碑嗣任城山色
增古顏新甫柏林奪漢翠泰安郡今日無兩京碑此碑今復置於甯湘中好事羅君
章馳驟藝林如渴驥獲茲初拓喜愈默忽出示我憐同嗜揮芬
菊燦秋不畱畫古書清客難醉此碑持抱雨三更勤與掀掌鏡
一穗蛛絲蛇跡細尋究補脫刊訛富新義狂呼咄咄檐鳥醒墨
瀋輝輝硯蟾娟卻愁詰旦使車發未緣三日碑下睡人生萬事
固等閒傳與不傳天所置君不見泰山羊氏名德崇祇今峴首
無碑空墮淚

同考諸君約集潮音寺爲城中最高處

佛界潮音起西風到小樓
曲緣雙湖峻俛瞰一城秋
邊氣新聲
斂才人大白浮蒼茫
藏甲意千載
舊壘陬相傳爲武侯藏甲處

中丞丈人招飲時苦雨快晴席閒得月初京寓書喜而

有作

脫帽看天呼快哉清風吹我笑顏開
三旬黯澹千山醒一紙平安萬里來
石磴盤旋花氣勇金尊凹凸鶴心猜
東華近事頻頻問艱鉅應需濟世才

東山

到山剛聽曉鐘撞輕欲乘風履齒雙
萬樹初陽紅有氣一城秋霧白如江
邊潘想見

皇仁被蠻笥須憑佛力降

各山中寺宇極多

爲洗塵勞文字債殿泉終

古自琿琮

扶風山

扶風萬丈明秋嵐一徑屈曲成三三
山巖如箔人如蠶坐游無

礙左右堪古樹直上天雲參懸崖斗落不可換飛閣盪起何眈
眈俛聽城郭朝聲酣偶然落佩抽冠簪不覺大笑塵世慙山顛
緜緜數丈潭倒吸山氣爲停涵奇石磊塊蹲飢鬼娟娟紫竹叢
香栢清秋翠羽風毳放生魚鼈龜蝸聲影潭中含潭
靜不動水面藍陽明先生坐山龕想見道味懷清甘我行上山
勇且貪耳目眩轉汗若泔拜謁遺像乃大慙心氣一斂無趨趨
吾生世味雖飽語如飲魯酒非所酖無緣馭風希彭聃何不入
山依瞿曇不須爲我畱茆庵一杖一笠無可擔奇山看徧天西
南

寶相山贈心印上人

上人家在衡山陬好奇早作黔山游錫飛杯渡不知遠荒山宴
坐忘春秋中年鄉思不可羆七十二峯時入癡於今了了復元

元如葉脫枝繭離甕山中寶相比月圓樓閣虛明秋照天我心
懷歸不能語卻覓來途下山去

觀音寺公宴

南拜

君恩宴鹿鳴還願佛閣華簪纓數來佳士花枝淡無日不聞諸

士之看徧奇山酒盃清一水樓臺皆畫本寺閣公誇今年得

聲藉丈撫黔以來除請主司邊州飽閱昇平象月落城頭別緒

生

九日登黔靈山

中丞丈祈晴雨必於此山日內使晴卽祈晴之應也黔

山多童此山樹獨暢茂幽奇是黔靈所由名歟

連日雨住風亦住容我清狂天不妬懷家遠望枉蕭蕭聊喜重

陽不虛度黔靈之靈吾久聞上與帝所通飭靈禱雨萬回千里
赤盼晴風捲九秋雲我來欲向山神叩一徑盤紆穿複岫泉從
太始出聲聞樹自前朝愈祖舊千樹萬樹相爭先千石萬石連
環寫同根下入九地直合氣上抱高天圓天地精神滋血乳中
原膺腹邊枝股偶從奇穴見噏噓遂使蠻天有晴雨登高極目
秋成堆萬里空明寒鴈來我思附翼乘風去易水蒼山一日迴

五弟奉母在
京三弟在嶺

漏勺泉

相傳此泉一日百盈縮應百刻故又名百盈泉來觀泉
者卽盈縮以占休咎故又名聖泉余來驗之盈縮信有
之應百刻占休咎皆不然也枉城西北五里許城鄉相
距俱遠無汲水者

我本觀空法來參有漏禪盈虛眞宰現休咎野人傳夢醒千山

露秋荒十里煙有靈難汲取寒日照清消

余時倦臥亭上

馮桂山觀察朱丹木太守邀集雪厓洞

城南雪厓洞石澗雪色稜稜堅冰鏡淒古寒逼懸廊臨滄
波忽似鶴展翼千峯勢飛動坐攬一笑得黔山聚奇險登陟虞
顛踣茲游得平夷相與恣偃息菊花知酒味竹氣挾秋力懷抱
爲君開萬感何處匿

藕庚丈人贈詩因得士之盛獎許過情次韻答謝卽以

誌別

半生愧懣學濫與黔韶游署雨涇行踵江山盪吟眸一朝入鎮
院萬目瞻星轡正鶴荷不立負彼束矢揆自惟樸拙性力竭天
斯酬抱璞必蘊玉勉耘期有秋懸衡冀一得

仄席報所求名材何磊砢薄技殊雕鏤華斂實可舉骨重采亦
迥析理有濂洛揆根滌秦周窺公教育久實與性道謀淡根聖
愈固浮藻剛無畱蠻荒齒奇秀陽明始披收昔同導河禹今比
吹律鄒側聞三考績仕學有兼優躬行矢一誠墜舉罔不修飭
吏警鷓獮救災驅龍虬天人上下際感應速置郵兼勵擐甲士
未雨資綢繆豈徒抱經儒治鑄逢胡歎小子稟庭誥派別知源
流經疇少灌溉義圃供薪爨如木不中理頗亦強自揉顧蒙匠
石憐不鄙條與繇計從撤棘來意重語益稠偏嗜有歎菱扣響
聞鏗球何期錦繡段重以明珠投諄勸善自愛見獎能勤諏杜
陵志廣廈香山懷大裘終虞等瓠落守拙湘山陬公乎頤養勤
益其民士休成城志乃固視蔭語不偷時事若峻坂中逵有安

翰

羅蘇谿前輩贈石谿上人畫幅

苦瓜之前雪个後吾鄉畫禪來石谿直從幽巽入堅渾與兩佛
子殊町畦雲游日被洞壑裏筆落能使狴貮嘖此幅著意更淡
遠煙雨一黑天爲鷺荒荒水光樹不辨黯黯苔氣雲含悽人佛
入魔信有此湘君山鬼羣來棲惜抱翁題句有云蒙君持贈副
入佛入魔無不可蒙君持贈副
所願既到畫處心沈迷挂壁兩日側臥視傍惶悚仄不能攜

再得子敬弟廣通書

前日得弟書燈花爲我喜言兄使黔來千里如尺咫今日得弟
書悽淚不能止言兄使黔歸千里如萬里仲夏兄出門母恙就
差矣行步稍亦艱眠餐幸無累徹棘茲一旬家書展三紙起居
報平安孫曾互愈唯兄歸過其行汗漫閱山水計拜北堂下盆
梅甫開耳姑勿過思憶宦游非得已聞之丈人言賢聲首屈指

鴻丈云子敬爲
滇中好官第一從來孝養事亦有顯揚理益當勤保惠無異親
甘旨俟有去官資自然歸侍美餘事無足言養心珍髮齒